

OLD MUTUAL SUPERFUND

LESEDINYANA LA THUTO LA DITHO – PHATLALATSO YA 3



KAMO E BAKWANG KE HO NKA DIPOLOKELO TSA HAO TSA HO BEHA MEJA FATSHE KONTANE KE DIFE?

Ka palohare, re tjhentjha mesebetsi makgetlo a ka bang 7 nakong ya maphelo a rona a tshebetso, mme karolo ya diphesente tse 95 ya rona e qetella e se na tjehelete e lekaneng ha re beha meja fatshe. Lebaka la sehlooho ke hobane bongata ba rona re nka tjehelete ya rona ya ho beha meja fatshe kontane ho fapana le ho e boloka ha re tloha mosebetsing o mong ho ya ho o mong.



Ha re nka tjehelete ya dipolokelo tsa rona tsa ho beha meja fatshe re phunya lesoba le leholo tokolohong ya rona ya tsa dipolokelo tsa tjehelete ya kamoso. Tokoloho ya tsa ditjehelete ke seo re se fumanang ha tjehelete eo re entseng matsete ho fihla ka nako eo re behang meja fatshe e tla beng e lekane ho re fa lekeno la tjehelete bakeng sa nako e setseng ya maphelo a rona. Dipolokelo tsa rona bakeng sa ho beha meja fatshe ke karolo ya bohlokwa ka ho fetisisa ya sena, hobane tjehelete eo – tjehelete eo re e bolokang bakeng sa ho beha meja fatshe – e batla e le matsete a maholo ka ho fetisisa ao re tla ke re a etse, mme a nkang nako e telele ka ho fetisisa ho a bokeletsa.

Ho nka tjehelete ya dipolokelo tsa ho beha meja fatshe ya hao ho na le ditlamorao tse mahlonoko – mme o hloka ho tseba hore ke dife.

HO O JELA TJHELETE E FETANG KA MOO O ELELLWANG KA TENG

Haeba re re o qala ho boloka nako ya dilemo tse 30 tse setseng pele o beha meja fatshe, empa ebe o nka tjehelete eo kaofela kamora dilemo tse 10 tse qalang. Jwale o qale ho boloka hape, mme o rerile ho fihlela boleng bo tshwanang ka nako eo o behang meja fatshe jwalo kaha eka ha o a ka wa nka tjehelete e kontane. Hore o etse sena, o tla hloka hore o boloke tjehelete e lekanang le eo o neng o e boloka makgetlo a mararo ka kgwedi. Haeba o nka tjehelete kamora dilemo tse 20, ebe o qala ho boloka hape, o tla hloka ho boloka tjehelete e lekanang le eo o e bolokang kgwedi le kgwedi makgetlo a leshome hore o fihlele tekanyetso ya hao.

E nngwe ya tjehelete eo o e nkang kontane hape e lokela ho lefiswa lekgetho, ho fapana le hore e dule letloleng la hao

la ho beha meja fatshe ho le thusa ho hola. Ha o tlohela tjehelete e ngata letloleng, e eketseha kapele.

TJEO YA BOPHELO YA HAO

Haeba o nka tjehelete letloleng la hao la ho beha meja fatshe ho lefella sekoloto, o tla be o mpefatsa maemo bakeng sa hao ha nako e ntse e tsamaya. Haeba o na le sekoloto se sengata haholo, sena se bolela hore o se ntse o sebedisa tjehelete e ngata ho feta eo o e amohelang. **Ho nka dipolokelo tsa hao tsa ho beha meja fatshe ho bolela hore o ka nna wa seke wa ba le lekeno la tjehelete ho hang ka nako eo o behang meja fatshe.** Haeba o sa kgone ho lefella bophelo ba hao hona jwale, ha o sa ntse o amohela moputso, ho hlakile hore o keke wa kgona ho bo tswelletsa ha o beha meja fatshe. O lokela ho tiisa pelo e sa le hajwale. Fokotsa tjehelete eo o e sebedisang mme o lefe dikoloto tsa hao ka moputso o saletseng kamora hore o etse dipolokelo. Ke yona feela tsela eo ka yona o tla ba le bonnete ba hore o ba le bolokolohi ba tsa ditjehelete kamoso.

Ke taba e hlakileng hore ho nka tjehelete ya hao ya dipolokelo tsa ho beha meja fatshe kontane ha se ntho ya pele eo o lokelang ho e etsa ha o tswa mosebetsing wa hao. Bonnete, ke ntho e tlamehang ho etswa qetellong ya mehato yohle eo o e lekileng.

Tlanya mona ho bona mohlala wa se ka etsahalang haeba o nka tjehelete ya dipolokelo tsa hao tsa ho beha meja fatshe kontane pele o beha meja fatshe.

KAMEHLA KGETHA HO BOLOKA

Ha ho bonolo ho etsa diqeto tse nepahetseng ha o itokolla mosebetsing kapa ha o nyaolwa mosebetsing pele o beha meja fatshe. O lokela ho kgetha seo o tlamehang ho se etsa ka tjehelete ya dipolokelo tsa hao tsa ho beha meja fatshe e tswang letloleng la hao la ho beha meja fatshe – mme o tlameha ho itherelela ho etsa letsete ka tjehelete eo.

DIKGETHO TSE PEDI TSA MOTHEO

PHETISITSO LETLOLENG LA PROFIDENTE LA POLOKELO LE DUMELETSWENG

O ka tsetela botjha dihlapiso tsa hao tsa ho beha meja fatshe ka ho fetisetsa ditsiane tsohle, **tse sa tlo hulwa lekgetho**, letloleng le leng le dumeletsweng jwalo ka:

1. Letlole la paballo
2. Anyuithi ya ho beha meja fatshe
3. Letlole la mohiri wa hao e motjha

KAPA

KONTANE E SEKOLOKOTO

O ka kgetha ho nka tjehelete ya ditsiane tsa hao tsohle tsa boikgulo e le tjehelete e sekolokoto e **hulwang lekgetho**. Nahana ka hloko pele o etsa kgetho ena, hobane e ka ama menyetla ya hao ya ho beha meja fatshe ka boiketlo hampe haholo. Hobaneng? Sa pele, tjehelete yohle e sekolokoto e lefiswa lekgetho. Sa bobedi, o ka nna wa ba tekong ya hore o sebedise tjehelete e setseng kamora ho hulelwa lekgetho ho fapana le ho etsa matsete botjha ka tjehelete ya hao ya ho beha meja fatshe. Ka hona haeba o sebedisa motjha ona, monyetla wa hao o motle ka ho fetisisa ke hore o tsetele botjha tsiane ya hao hore tjehelete eo o e bolokileng bakeng sa hore o behe meja fatshe e bolokwe ntle le ho sebediswa.

O ka kopa moeletsi wa tsa ditjehelete ho o thusa ho etsa qeto ya seo o ka se etsang ka ditsiane tsa hao, kapa o ka iketsetsa qeto ya hao ka bowena mme wa etsa matsete ka kotloloho hore o baballe dipolokelo tsa hao tsa ho beha meja fatshe.

DITABA TSE MONATE!

Jwalo ka setho sa letlole la ho beha meja fatshe la Old Mutual SuperFund, o na le phihlello ho Old Mutual SuperFund Preserver. Preserver Preservation Fund ke tsela e bonolo, e sa sokodiseng ya ho jala matsete haeba o tjhentjha mesebetsi, o itokolla mosebetsing, o fokotswa, kapa o tebelwa mosebetsing. Hang ha o ba setho sa Old Mutual SuperFund Preserver, dipolokelo tsa hao tsa ho beha meja fatshe di dula di bolokehile mme o ntse o natefelwa ke ditsiane tsohle tseo Old Mutual SuperFund Preserver e fanang ka tsona.

bakeng sa tlhahisoleseding e nngwe, tlanya mona.

